



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 4. Apertum conjuratorum bellum contra Cæsarem.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Sæc. XVII. Denegatam sibi Palatini dignitatem in-
A. C. 1670. dignissime ferebat Franciscus Comes de

Nadaſti, & quamvis ad leniendum do-
lorem Cæſar illum in Curiz Judicem
ſelegiſſet, a Petro tamen Serinio in
conjuratiſſimam ſocietatem pellectus
Cæſarem intercipere ſtatuit; cum enim
Leopoldum Cæſarem nonniſi duodecim
Nobilibus ſtipatum ad Schotwines
oppidum excuſurum comperiſſet, a
communi conjuratorum conſilio quin-
gentos Sclopetarios, qui Cæſarem ap-
ptum abſtraherent, atque interficerent
in Pottendorffeniſi arce in inſidiis co-
locavit; cum autem Cæſare ante ſu-
riorum adventum jam Viennam rever-
ſus eſſet, facrilega conjuratorum conſilia ad
tum cecidiſſent, fontem aulicum in-
jectis canibus, fellibusque necnon in
culo ſerico, qui atrociffimo toxico im-
tus erat, corruperunt, ut tota Cæſaris
Cæſare familia periret: aſt ætate
mentis conſilio factum, ut ex tetro
tore latens peſtis proderetur, quod
adeo tanti mali Auctores detegerent.

§. IV.

*Apertum conjuratorum bellum contra
Cæſarem.*

*Joan. Lab-
ſansky relat.
jud. S. I.
& ſeqq.* Cum ergo conjurati Hungari nec in
ſidiis, nec veneficiis Cæſarem pe-

dere potuissent, in apertum bellum Sæc. XVII. A.C. 1670.
 consilia conferunt, rem totam mode-
 rante Petro Serinio, qui munitam ar-
 cem, vel in belli sedem, vel sinistræ Calmet Hist. de Lorr. t.3. l.39. p.783.
 fortunæ asylum sibi vindicare inten-
 tus, per uxorem suam magnæ auctori-
 tatis, majorisque versutiæ fœminam,
 Caroloftadiensem Præfecturam sibi con-
 cedi, a Cæsare petiit: spe tamen sua
 frustratus, Ragotsium juvenem instigat,
 ut arcem Montgatsiensem auro & ar-
 mis instructissimam e Matris suæ mani-
 bus extortam sui juris faceret: Hæc
 autem comperto Filii consilio illum re-
 pulit, asserens, non passuram se, ut
 proditoris Mater vocaretur, & Mariti
 sui opibus patriæ excidium promove-
 ret: Hoc responso absterritus Ragotsius,
 Tokaium intercipere moliebatur; Gu-
 bernatoris tamen vigilantia, & germa-
 ni præsidii fides arcis jacturam præpe-
 divit. Interim indies augebantur re-
 bellium copiæ, & Calviniani Prædi-
 cantes ubique in suis Synagogis po-
 pulum, ut Regnum ab Austriacorum
 Tyrannide vindicaret, seditiosis suis
 declamationibus provocarunt, linguam
 ipsis laxante Petro Serinio, ad cujus
 preces Ragotsius in solutionem salarii,
 quod ejus Mater ipsis denegaverat,
 famelicis hisce Præconibus mille au-
 reos numeravit, hacque liberalitate

Sæc. XVII. eos ad rebellionem adeo promptos reddidit, ut eorum quidam alta voce exclamaret: *Hodie Ragotius Princeps mille gladiis armavit*: Præterea hi Mithelli ipsos etiam Catholicos Proceres ad rebellionis societatem sollicitos præsumperunt, ingentem extollentem felicitatem, qua non minus, ac hoc ipsum Transylvani, excusso Germanorum jugo, ejectisque ex Hungaria Germanis sub Turcarum imperio potius ac sentiendi libertate permissa, quiete soluto nonnisi exiguo tributo, degerere possent. Insuper (uti ex interceptis Stephani Wittnyedii, qui Nadastio epistolis erat, literis anno hujus sexagesimo nono Mense Majo & trigesima Decembris die datis patuit) Silesienses, Raieenses, Turocenses, Silesiæ, Moravi, Bohemi, alique predicantes plebem ad sumenda arma citarunt.

Sub idem ferme tempus conjunctis accessit Franciscus Francipaniæ Croatiae Comes longe opulentissimus qui missis Constantinopolin Legatis Turcarum opem implorabat, sibi addictos Zagrabiam decernebat, hosce populos ceteroquin fidelissimos in partes pertraherent. Sollicitabatur etiam a conjuratis Transylvanorum Capronzenses & Valachi, eorumque Pfeu

Pseudo-Episcopus Serinius quoque Sæc. XVII. A. C. 1670.
apud Bosniæ & Canisiæ Bassas, & Nadaſtius Adrianopoli apud Vezirium
per ſuos Legatos auri militumque ſup-
petias procurabant: Enimvero Cæſar
ad ſeditionem in ſuo ortu præfocan-
dam Regni comitia coegit, irrito ta-
men eventu, eoquod Procerum potif-
ſimi prius Palatinum creari, & Pro-
teſtantibus templa, ſectæque libertatem
reſtitui, pertinacius peterent. Interim
vero Ragotſius, ut Turcas in interiora
Regni pelliceret, eiſque conjuratorum
copias jungere poſſet, in Turcicam
ditionem irrupit, captiſque nonnullis
ſtragem & populationem longe lateque
intulit. Tempeſtively autem Cæſar Hoff-
manum ad Budenſem Vezirium, ut
hanc irruptionem excuſaret, ablega-
bat, novique tumultus obtentum præ-
ciſurus, duodena armatorum millia ad
finium cuſtodiam diſponi curabat: Va-
lidam e contrario opem conjuratis
Grammonvillius Gallus apud Cæſarem
Legatus ſpondebat, ut Cæſarem do-
meſticis hiſ turbis diſtentum a Belgii
tuendi curis avocaret: Vezirius quo-
que maximo cum exercitu ſe præſto
futurum pollicetur, ea lege, ut Hun-
garia, Styria, & Croatia Sultano tri-
butaria redderetur. De Turcicis igi-
tur Gallicis que auxiliis certi Nadaſtius
&

Sæc. XVII. & Francipanius, Carolinam arces, A. C. 1670. quo novercante fortuna receptum haberent, novis operibus firmant, utque argentum conficerent, opulentiorum Catholicorum bona diripiunt, ac doctore Bachovskio quatuor Hufarorum & Haiduckonum millia ad Croatia fines conducunt, circa Temeswariam & Canisiam decem rebellium milia contrahunt, Turcarum terrore cuncta replent, ac denique bellum contra Cæsarem haud dissimulanter circumferunt. Postea Erasmo etiam Tattenbachio nobilissimo juxta ac ditissimo Styriae Comite per Serinium factioni adscripto Nadastius Cæsaris literas ad Rothalinum Comitem pro sedandi tumultus rationes datas clam intercipi jussit, Francipanius vero regias naves annonam & arma Petriniam inferentes diripit, vicinasque arces minis & armis ad rebellionem sollicitat. Hæc seditiosorum molimina Aulam haud ultra latere poterant, quapropter Cæsar cunctas arces Germano milite potentius firmari, conjuratorum motibus, acuratus vigilari jussit: ne vero ulceratos animos asperitate ad desperationem revolvendo gisse argueretur, conjuratorum querelas oppositis rationibus elidere nititur, atque ad obsequium reversuris prætorum veniam pollicetur: Verum

conjurati Hungariæ Superioris Proce-
 res ultroneam clementiæ venditatio-
 nem velut imbecillitatis argumentum
 interpretantes, Cassoviæ comitia co-
 gunt, de belli ratione deliberaturi;
 duodecim Transylvanorum, Valachorum,
 & Moldavorum millia contrahunt,
 & Rothalium a Cæsare ad dissipanda
 hæc consilia submissum ferociter
 hoc responso remittunt; *se Patriæ causa
 convenisse, nec pro pecudibus haberi se pas-
 suros, hisque copiis se limites defensuros,
 ita patriis legibus se obstringi.* Interea
 Protestantes in suæ sectæ favorem se-
 ditiosis opem ferre intenti, Cassoviæ
 pariter conventum egerunt, & facta
 inter tredecim Comitatus conjuratione
 copias collegere, quarum imperium
 deferebant Ragotsio. Hic ergo, cum
 se per suam Matrem, ne paternas opes in
 conjurationis subsidium impenderet,
 prohibitum indignaretur, rursus arcem
 Tockayanam, quam nuper armis haud
 poterat, dolo expugnare tentat, ejus-
 que Præfectum Starenbergium ad epu-
 las invitatum unacum Comite Colo-
 nitschio in vincula conjicit, & octo
 suorum millia mænibus admovet, ast
 a præliario milite tormentis petitus,
 denuo retrocedere cogitur.